

Sier Antonio Malipiero fo XL, qu.
sier Pasqual.
Sier Zacharia Gradenigo el camer-
lengo di comun, qu. sier Zuane.

Un Oficial al formento in Rialto in Tera nuova.

Sier Marco Venier fo visdomino al
Fontego di Todeschi, qu. sier
Lauro 493.796
+ Sier Alvise Trivixan fo XL, qu. sier
Piero, qu. sier Baldissera . . . 731.513
Sier Alvise Salamon fo XL Zivil, qu.
sier Vido 628.622
Sier Nicolò da Molin fo podestà a
Montagnana, qu. sier Zuane . . 444.801

Un oficial ai Levanti.

Sier Andrea da Mosto fo Cao di se-
stier, qu. sier Francesco . . . 744.555
+ Sier Gabriel Minio fo Cao di sestier,
di sier Lorenzo 804.507

256* *Uno del Conseio di XL Zivil vechio.*

Sier Zuan Bondimier fo zudexe di
Examinador, di sier Marin . . 593.693
+ Sier Bortolomio da Canal fo Cao di
XL, qu. sier Zuane 778.491
Sier Zuan Barbo di sier Alvise fo
XL Zivil 595.690
Sier Alvise Zivran fo V di la paxe,
qu. sier Piero 462.823

È da saper, che essendo nominato signor di notte di Ossoduro sier Zacaria Gradenigo el camerlengo di comun, qu. sier Zuane, et vene in dubio fra li Consieri se 'l dovea esser provado o non stante la leze del 1520 di le contumatie, et a l' incontro lui diceva, iusta la parte del 1523 presa, che li Signori di notte non havesse contumatia, poteva esser provado però che 'l vien a compir camerlengo al tempo che 'l puol intrar; et atento la proposta che vuol che possino esser electi quelli che potriano se li officii si facesse al suo tempo, et fo butà uno vice consier in luogo di sier Alvise Mocenigo el cavalier non era, et tocò a sier Marco Contarini Cao di XL, et balotato fono tre et tre. Unde fo terminà per la Signoria, dovendo metersi parte al Conseio per *viam declarationis*, di balo-

tar le altre vose et lassar questa in ultima, et fo mal fatto et contra iustitia. Hor compito di balotarle, Alexandro Busenello secretario andò in repga et lexè una parte, che pareva li 5 Consieri et il Cao di XL meteva al Conseio per *viam declarationis*, *videlicet* la prima che 'l se pruova, et la seconda che 'l non se pruova. El fo mala stampa, perochè in simel declaration si nota tre Consieri nominandoli chi vol et chi non vol, et non dir *simpliciter*. Hor fo lecte le parte, et mandando tutti li parenti fuora et principiato a balotar, sier Lazaro Mocenigo Cao di X era in Cao del Conseio, visto esser passà 24 hore, andò a la Signoria et fè licentiar el Conseio; sichè ditta voxe di Signor di notte andò zoso.

A dì 23. La matina, fo lettere di Bologna, 257 di sier Piero da chà da Pexaro procurator, di 19, hore . . . Del zonzer ivi monsignor di Lutrech con la mità di l' exercito etc. *Item*, manda la copia di uno brieve che 'l Papa ha mandato a Lutrech, ringratiandolo di la sua venuta.

Da Todi, di sier Alvise Pixani procurator, proveditor zeneral, di 19, qual manda un breve che 'l Ponteficè li ha mandato indrizato a monsignor de Lutrech. *Item*, manda una lettera li ha scritto da Orvieto missier Giacomo Salvati da parte del Papa, di 18, che lo exorta a far levar le zente de su quello di la Chiesa, et *maxime* le zente di fiorentini che fanno danni grandissimi; et non volendo levarsi da parte del Papa, prega il marchese di Saluzo et esso proveditor Pixani come confederati et boni amici di la Chiesa et di Soa Santità.

Vene l' orator di Franza solicitando pur li danari per pagar li lanzinech, *tamen* ancora non si ha hauto risposta dal procurator Pexaro di quanto li fo scritto in questa materia.

Da Fiorenza, del Foscari orator, di 14. Manda lettere haute da 4 Sopracomiti, da Livorno. Scriveno il zonzer suo li, sichè tutte le 5 nostre galle sono salve: et perchè li manca il pan, esso Orator ha richiesto a quelli Signori 50 miara di biscoto per li soi danari, et con gran fatica ne ha ottenuto haverne 25 miara, sichè li provederà etc. *Item*, scrive le nove del Papa ch'è a Orvieto, et questi Signori stanno molto suspesi quello el farà.

Di Sopracomiti nostri, *videlicet*

Da Cassan, di sier Tomà Moro proveditor 257* zeneral, di 20, hore 3 et hore 10. Et in la prima scrive, per lettere di 19, da Lecho, di Zuan Hironimo Longin fradello di Marco Antonio suo secretario si ha, come furono insieme il colonello domino